



# **LAPORAN LIPUTAN MEDIA**

**RABU / 19 JUN 2019**

- 1. PADI : TINDAKAN TEGAS**
  - **UTUSAN MALAYSIA**
- 2. KEJAYAAN BANGUNKAN TANAH TERBIAR**
  - **KOSMO**

**DISEDIAKAN OLEH :**

**CAWANGAN KOMUNIKASI KORPORAT**

**( MADA )**

# KERATAN AKHBAR : UTUSAN MALAYSIA

TARIKH : 19 JUN 2019

PERKARA : PERTANIAN

UTUSAN MALAYSIA • RABU 19 JUN 2019



SALAHUDDIN AYUB dan Mohd. Anuar Tahir bersama anak-anak yatim dalam Sambutan Aidilfitri Persatuan Nelayan Kebangsaan (Nekmat) di Lestarry Heights, Mentakab, Pahang, semalam. - UTUSAN/ABDUL RASHID ABDUL RAHMAN

Termasuk senarai hitam 9 syarikat pembekal benih

## Padi: Tindakan tegas

Oleh ABDUL RASHID ABDUL RAHMAN

pengarang@utusan.com.my

■ TEMERLOH 18 JUN

**K**EMENTERIAN Pertanian dan Industri Asas Tani akan bertindak tegas termasuk menyenaraihitamkan syarikat pembekal benih padi yang didapati menyeleweng dan menipu sehingga memberi kesan kepada petani.

Menterinya, Datuk Salahuddin Ayub berkata, beliau akan melihat laporan mengenai prestasi sembilan syarikat pembekal benih padi yang dijangka siap dalam masa terdekat sebelum membuat keputusan.

"Kita kena tegas dalam isu ini, tidak boleh lagi bertolak ansur kerana sudah lama sangat. Sudah berpuluh tahun kita mendengar pesawah mengha-



KERATAN *Utusan Malaysia*, 28 April 2019.

dapi isu benih padi tidak sah.

"Saya mahu laporan itu di-segerakan. Bergantung kesalahannya, kalau kecil kita berikan peringatan, kalau jelas sangat tindakan mereka, kita ambil kira disenaraihitamkan," katanya dalam sidang akhbar selepas menghadiri sambutan Hari Raya Aidilfitri Persatuan Nelayan Kebangsaan (Nekmat) di Lestarry Heights Mentakab dekat sini hari ini.

Hadir sama, Timbalan Menteri Kerja Raya, Mohd. Anuar

Tahir; Pengerusi Persatuan Nelayan Kebangsaan (Nekmat), Hamid Bahari; Pengerusi Lembaga Kemajuan Ikan Malaysia (LKIM), Faiz Fadzil dan Ketua Pengarah LKIM, Jamaludin Othman.

Baru-baru ini, *Utusan Malaysia* melaporkan rintihan petani yang mahu kerajaan mencari jalan penyelesaian masalah pembekalan benih padi tidak berkualiti yang menjadi antara punca mereka gagal mendapatkan hasil tanaman baik.

# KERATAN AKHBAR : KOSMO

TARIKH : 19 JUN 2019

PERKARA : PERTANIAN

**K2**  
10 OLEH KURNIAWATI KAMARUDIN (BERNAMA) KOSMO! RABU 19 JUN 2019

**RENGANA UTAMA**



## Kejayaan bangunkan tanah terbiar

Daripada 119,273 hektar tanah terbiar di Semenanjung Malaysia yang direkodkan pada 2014, tanah yang dibangunkan hanya kira-kira 7,944 hektar sehingga 2018. Ini bermakna, masih terlalu banyak tanah yang 'terbazir' tanpa diusahakan.

SHAHRIZAL mengusahakan tanah miliknya yang terbiar sejak sekian lama dengan menanam pokok kelapa dan pisang di Kampung Paya Jajawi, Temerloh, Pahang baru-baru ini.

**INFO Tanah Terbiar**

- Ditampilkan lembaran kira-kira 100,000 hektar tanah terbiar di seluruh Semenanjung Malaysia
- Merawat rosak. Jabatan Pertanian Malaysia, tanah terbiar ditakrifkan sebagai tanah darat atau tanah sawah yang berkeluasan minimum 0.4 hektar ke atas, sama ada bersemburan atau bertaburan yang merupakan tanah terbiar yang tidak diusahakan selama tiga tahun berturut-turut
- Bagi meningkatkan keupayaan sektor pertanian, jabatan itu menggalakan insentif melalui Program Pembangunan Tanah Terbiar untuk meningkatkan produktiviti petani dan kapasiti pengeluaran bahan makanan negara
- Mekanisme penapisan dengan mengenal pasti pemilik tanah terbiar dilakukan melalui kerjasama pejabat tanah dan daerah bagi melaksanakan projek tanaman makanan sambilan terbiar atau usahawadi baru
- Jenis tanaman yang boleh diusahakan seperti tanaman singkat masa atau sayur-sayuran, buah-buahan dan komoditi yang cepat mengeluarkan hasil dan mempunyai pasaran
- Dalam hal ini, Jabatan Pertanian berperanan sebagai pemutus cara dan tempat petani melakukan tanah terbiar serta memberi khidmat nasihat teknikal
- Pemilikan hasil pertanian pula dilakukan melalui jualan terus dan Wang Khas
- Menaka yang berminat boleh melayari laman rasmi jabatan [www.dat.gov.my](http://www.dat.gov.my)

Walaupun baru setahun mengusahakan kebun kelapa dan pisang di bawah program tanah terbiar itu, dirinya sudah boleh menarik nafas lega apabila melihat sumber ekonomi yang langsung tidak dipedulikan sebelum ini bakal mengeluarkan hasil tidak lama lagi. Pokok pisangrya yang semakin subur dijangka mula mengeluarkan hasil sekitar September nanti manakala pokok kelapa pula dijangka mula berputik dan berbuah dalam masa tiga atau empat tahun lagi.

"Saya pun tidak sangka daripada proses permohonan hingga kelulusan Jabatan Pertanian Malaysia hanya mengambil masa lima bulan dan kerja pembersihan kawasan terus dijalankan," katanya kepada *Bernama* ketika ditemui di kampung tersebut baru-baru ini.

Begitulah antara kejayaan yang telah dicapai seorang pengusaha tanah terbiar. Menurut risalah Jabatan Pertanian Malaysia, tanah terbiar ditakrifkan sebagai tanah darat atau tanah sawah yang berkeluasan minimum 0.4 hektar ke atas sama ada bersemburan atau bertaburan yang merupakan tanah terbiar yang tidak diusahakan selama tiga tahun berturut-turut.

**Komitmen**

Insentif permulaan yang diberikan Jabatan Pertanian untuk mengusahakan tanah terbiar dalam bentuk pembangunan infrastruktur seperti pembersihan kawasan dan penyediaan sistem pengairan atau pemberian input pertanian seperti anak benih, baja atau bantuan teknologi dengan nilai RM20,000 sehektar.

Bapa kepada lima orang anak yang bekerja di sebuah syarikat swasta di Temerloh tidak mempunyai masalah untuk memberi komitmen terhadap kebunnya yang terletak tidak jauh dari pejabatnya.

Sementara itu, seorang lagi pengusaha tanah terbiar di kampung sama, **Abidin Darus**, 59, memilih jambu batu sebagai tanaman kekal di atas tanah seluas 1.2 hektar. Sebanyak 250 batang pokok jambu ditanam sejak 2017 dengan bantuan awal Jabatan Pertanian.

Tanah miliknya itu terbiar selama tiga tahun selepas berlaku banjir besar di kawasan Pantai Timur sekitar 2014.

"Sebelum tanah ini terbiar, saya pernah mengusahakannya dengan menanam kelapa. Ketika banjir besar berlaku, semua pokok kelapa habis musnah dan disebabkan tidak cukup modal, kebun ini tidak diusahakan. Selepas itu, saya buat kerja-kerja sendiri sehinggalah pada tahun 2017 saya mulakan semula dengan menanam pokok jambu batu," katanya.

Abidin mendapat bantuan Jabatan Pertanian pada peringkat awal membangunkan tanah terbiar meliputi bantuan membersihkan kawasan, bantuan anak benih, baja dan pam air.

Selain itu, khidmat nasihat juga diberikan bagi menambah baik pokok-pokok yang ditanam.

"Pokok jambu batu mudah

**SEBANYAK 2,000 pokok pisang berangan dan 250 pokok kelapa kuning Malaya diusahakan Shahrizal di tanah seluas dua hektar yang asalnya terbiar.**



**RENCANA UTAMA**

ditanam, mudah dijaga dan hasilnya pun cepat. Setakat ini sudah tiga kali buah jambu yang saya tanam mengeluarkan hasil," katanya.

Hakikatnya, Jabatan Pertanian Malaysia menggalakkan pemilik tanah terbiar membangunkan tanah mereka atau membebankan pihak lain mengusahakannya dan usaha itu sudah digerakkan sejak lebih sedekad lalu.

Menyadari tanah baharu bagi tujuan pertanian kini adalah terhad, Jabatan Pertanian Malaysia mula memberi perhatian dalam membangunkan tanah terbiar sejak Rancangan Malaysia Kelapan (2001-2005). Langkah lebih serius digerakkan sejak 2007 sebagai satu inisiatif menangani isu pembaziran sumber dengan matlamat membangunkan tanah terbiar, meningkatkan kapasiti pengeluaran bahan makanan negara di samping mengurangkan kebergantungan kepada sumber makanan import.

Bagaimanapun, setelah lebih 10 tahun dijalankan, sambutan dalam kalangan pemilik tanah masih belum mencapai tahap yang memuaskan.

**Inisiatif**  
Daripada 119,273 hektar jumlah tanah terbiar di Semenanjung Malaysia yang direkodkan pada 2014, tanah yang dibangunkan di bawah Jabatan Pertanian sehingga 2018 hanyalah 7,944.97 hektar dengan jumlah peserta 5,964 orang. Ini bermakna, masih banyak lagi tanah terbiar yang belum diusahakan dan dioptimalkan penggunaannya untuk pertanian.

Masalah sikap dan kesedaran pemilik yang tidak melihat kepentingan ekonomi untuk memajukan tanah menyebabkan usaha membangunkan tanah terbiar menjadi sukar. Terdapat juga pemilik yang menghadapi

kesukaran memajukan tanah mereka berikutan kekusutan mendapatkan persetujuan bersama memusundangkan tanah mempunyai banyak pemana. Kebanyakan pemilik asal tanah tersebut telah meninggal dunia dan ia diwarisi anak-anak yang rata-rata kemudiannya berhijrah ke bandar.

Sebagai contoh, di Negeri Sembilan, status tanah adat di bawah Enakmen Pemegangan Tanah Adat Bab 216 dikatakan menjadi halangan untuk memajukan tanah terbiar.

Bagaimanapun, daripada kajian akademik yang dijalankan, undang-undang Tanah Adat itu tidak pun menghalang untuk pelaksanaan aktiviti pertanian sebaliknya sikap pemilik tanah itu sendiri yang tidak mahu memajukan tanah yang dimiliki.

Ini antara cabaran yang dihadapi Jabatan Pertanian selain kesukaran untuk mengenal pasti tanah terbiar dan pemiliknya, demikian menurut **Ketua Penolong Pengarah, Bahagian Perancangan Strategik, Jabatan Pertanian Malaysia, Nur Dalinna Ibrahim**.  
Nur Dalinna menjelakan



**ABIDIN** menunjukkan buah jentiu batu yang diusahakannya.

SEBAHAGIAN daripada kawasan tanah terbiar di Kampung Kubang Pala, Padang Terap, Kedah yang telah dibangunkan dengan tanaman makanan di bawah Program Pembangunan Tanah Terbiar Jabatan Pertanian Malaysia.



Jabatan Pertanian memberikan insentif permulaan kepada pemilik tanah atau pengusaha yang ingin memajukan tanah terbiar dengan kadar bantuan maksimum sehaktar bernilai RM20,000. Bagaimanapun, ia bergantung kepada keperluan sebenar di tapak.

Bantuan yang diberikan adalah dalam bentuk pembangunan infrastruktur seperti pembersihan kawasan dan penyediaan sistem pengairan atau pemberian input pertanian seperti anak benih, baja atau bantuan teknologi dengan nilai tersebut.

"Penilaian tapak akan dilakukan terlebih dulu untuk melihat kesesuaian lokasi dan tanaman yang ingin diusahakan," katanya sambil menambah sebanyak RM2 juta setahun diperuntukkan bagi melaksanakan program ini.

Menurutnya, pengusaha tanah terbiar paling ramai adalah di Pahang iaitu 1,130 orang diikuti Terengganu (1,051), Kelantan (811), Kedah (772), Pulau Pinang (617), Perak (423), Negeri Sembilan (384), Johor (357), Melaka (190), Perlis (134), Selangor (63) dan Wilayah Persekutuan Labuan (31).

Jabatan Pertanian menasarkan 100 hektar tanah terbiar dapat dibangunkan setiap tahun dengan bilangan pengusaha

sekarang 60 orang.

Menurutnya, setiap pengusaha yang mengikuti Program Pembangunan Tanah Terbiar

setiases dipantau terutamanya dengan memberi khidmat nasihat di samping memastikan tanah yang dibangunkan kekal produktif.

Katanya, jenis tanaman yang dipraktikkan untuk diusahakan di tanah terbiar iaitu tanaman kekal dan tanaman singkat masa.

Menurut Nur Dalinna antara tanaman kekal yang selalu menjadi pilihan adalah pokok durian, kelapa, mangga dan buah-buahan lain.

Mereka yang berminat untuk menjadi peserta Program Pembangunan

Tanah Terbiar boleh datang ke pejabat-pejabat Pejabat Pertanian Daerah bagi mengemukakan permohonan.

"Antara kriteria peserta bagi program ini mestilah mempunyai tanah untuk dibangunkan sama ada tanah milik individu yang boleh dibuktikan dengan geran atau tanah sewa atau pajak yang mempunyai perjanjian rasmi."

"Mereka juga harus mempunyai pelan rancangan untuk melaksanakan projek serta modal. Sekiranya mereka mempunyai keupayaan tersebut, Jabatan Pertanian akan mempermudah urusan tersebut," katanya. - Bernama



**NUR DALINNA**

## Kaji mendalam isu tanah terbiar

KERAJAAN perlu membentuk dasar pembangunan pertanian yang lebih komprehensif demi memperkasa sektor pengeluaran makanan bagi memastikan jaminan bekalan makanan untuk rakyat di negara ini.

Perubahan dasar ekonomi berasaskan pertanian kepada ekonomi perindustrian sejak hujung 1970-an membawa kepada pengijahan golongan belia ke bandar dan telah menyebabkan hanya orang tua yang tidak berkeupayaan tinggal mengusahakan tanah.

Akhirnya, disebabkan faktor usia dan modal, tanah yang

diusahakan tidak mampu lagi dikerjakan dan terbiar begitu sahaja.

Mengulas isu yang dibangkitkan, **Presiden Pertubuhan Profesional Tanah Malaysia (Pertama), Prof. Dr. Ismail Omar** mencadangkan, kerajaan pusat melalui Kementerian Pertanian dan Industri Asas Tani melantik kumpulan pakar tanah, pertanian, ekonomi untuk mengkaji semula Dasar Pertanian Negara (DPN) yang digubal pada 1984 hingga 1991.

Menurutnya, semakan semula



**ISMAIL**

dasar itu barang kali dapat memajukan punca tanah terbiar yang membawa kepada pencapaian keluaran pertanian yang sederhana sehingga menyebabkan komoditi eksport meningkat saban tahun.

"Harang kali beberapa pindaan penting perlu dilakukan, dimansuh atau dipertingkatkan semula. Menangani perubahan dengan cara yang terjamin perlu dibuat selaras dengan dinamiknya institusi kehidupan ini," katanya kepada *Bernama* baru-baru ini.

Ismail berkata, kajian semula

yang menyeluruh terutama menyentuh capaian sasaran dan evolusi pertanian adalah mustahak bagi menentukan hala tuju pertanian negara.

Ini termasuklah pengedaran kualiti kesuburan tanah, pemilikan tanah, pembenihan dan pemsaran.

"Mereka perlu mengkaji semula isu tanah pertanian terbiar ini dengan mendalam. Seterusnya, mengenal pasti punca wujudnya tanah terbiar dari pelbagai sudut dengan tujuan untuk menyemak semula dasar, strategi dan tindakan jangka panjang, sederhana dan jangka pendek," katanya.